

**Қазақстан Республикасының Қарулы Күштеріне, басқа әскерлеріне және әскери құрылымдарына азаматтарды 2009 жылдың сәуір-маусымында, қазан-желтоқсанында мерзімді әскери қызметке кезекті шақыруды жүргізуді ұйымдастыру және қамтамасыз ету туралы**

### *Күшін жойған*

Қостанай облысы әкімдігінің 2009 жылғы 3 сәуірдегі № 138 қаулысы. Қостанай облысы Әділет департаментінде 2009 жылы 10 сәуірде № 3675 тіркелді. Күші жойылды - Қостанай облысы әкімдігінің 2009 жылғы 20 сәуірдегі № 156 қаулысымен

*Күші жойылды - Қостанай облысы әкімдігінің 2009 жылғы 20 сәуірде № 156 қаулысымен.*

"Әскери міндеттілік және әскери қызмет туралы" Қазақстан Республикасының 2005 жылғы 8 шілдедегі Заңына сәйкес және "Белгіленген әскери қызмет мерзімін өткерген мерзімді әскери қызметтегі әскери қызметшілерді запасқа шығару және Қазақстан Республикасының азаматтарын 2009 жылдың сәуір-маусымында және қазан-желтоқсанында кезекті мерзімді әскери қызметке шақыру туралы" Қазақстан Республикасы Президентінің 2009 жылғы 1 сәуірдегі № 779 Жарлығын іске асыру мақсатында Қостанай облысының әкімдігі **ҚАУЛЫ ЕТЕДІ:**

1. Қосымшаға сәйкес облыстық шақыру комиссиясының құрамы бекітілсін.
2. Қалалар мен аудандардың әкімдіктері:
  - 1) қалалық және аудандық шақыру және медициналық комиссиялардың жұмысын қамтамасыз етсін, қорғаныс істері жөніндегі бөлімдерге (басқармаға) қажетті мөлшерде медициналық мамандар мен техникалық жұмыскерлерді бөлсін;
  - 2) алыс жерлерде тұратын азаматтарды медициналық және шақыру комиссиясынан өту және оларды әскери қызметті өткеру үшін жіберілуіне жеткізілуін қамтамасыз етсін;
  - 3) әскери қызметті өткеру үшін жіберілген шақырылғандарды салтанатты шығарып салу жөніндегі іс-шараларды ұйымдастырсын;
  - 4) шақыру пункттерін жабдықтап, оларды дәрі-дәрмектермен, аспаптармен, медициналық және шаруашылық мүліктермен, автомобиль көлігімен, сондай-ақ байланыс құралдарымен қамтамасыз етсін;
  - 5) хабарлау, шақыруды жүргізу, медициналық куәландыру және шақырушыларды аудандық, қалалық шақыру пункттеріне, облыстық жиналу

пунктіне медициналық комиссияға жеткізу және әскерге жіберу жөніндегі іс-шараларды орындауға байланысты шығыстарды аудандық және қалалық бюджет есебінен қарастырылған қаржы шегінде жүргізісін, сонымен қатар көрсетілген іс-шараларды уақытылы қаржыландыруды жүзеге асырсын ;

б) шақыру учаскелеріне және облыстық жиналу пунктінде жұмыс істеу үшін жіберілген шақыру комиссиялары мүшелерінің, медициналық, техникалық жұмыскерлердің және қызмет көрсететін тұлғалардың, яғни осы азаматтарды жіберіп отырған ұйымдарда олардың жалақысы, жұмыс орны және атқаратын лауазымы сақталатынын назарға алсын;

7) қорғаныс істері жөніндегі бөлімдерге (басқармаға) жабдықталған шақыру пункттерін бөлу жөнінде шаралар қабылдасын.

3. "Қостанай облысы әкімдігінің денсаулық сақтау басқармасы" мемлекеттік мекемесі облыстық, қалалық және аудандық медициналық комиссияларды қажетті мөлшердегі дәрігер мамандармен, медициналық аспаптармен және мүліктермен, оның ішінде флюорографиялық пленкамен және химиялық реактивтермен толықтыру жөніндегі жұмыстарды ұйымдастырсын.

4. "Қазақстан темір жолы" ұлттық компаниясы" акционерлік қоғамының Қостанай жол бөлімшесі филиалы (келісім бойынша) "Қостанай облысының қорғаныс істері жөніндегі департаменті" мемлекеттік мекемесінің өтінімі бойынша шақырушыларды қызмет орнына жөнелту үшін жолаушылар поезынан қажетті орын санын бөлсін.

5. "Қостанай облысының қорғаныс істері жөніндегі департаменті" мемлекеттік мекемесі (келісім бойынша) "Мемлекеттік сатып алу туралы" Қазақстан Республикасының 2007 жылғы 21 шілдедегі Заңына сәйкес облыстық жиналу пунктінде азық-түлік сату және ыстық тамақ беруді ұйымдастырсын.

6. "Қазақстан Республикасы Ішкі істер министрлігінің Қостанай облысының ішкі істер департаменті" мемлекеттік мекемесіне (келісім бойынша) шақыруды өткізу және командаларды жөнелту кезеңінде:

1) әскери міндетті орындаудан бас тартқан тұлғаларды іздестіру және ұстауды өзінің құзыреті шегінде жүзеге асыру;

2) облыстық жиналу пунктінде, қалалық және аудандық шақыру пункттерінде шақырушылар арасында қоғамдық тәртіпті сақтау үшін тәулік бойы полиция нарядын бөлу;

3) шақырушыларды жөнелту кезінде облыстық жиналу пунктінде және темір жол вокзалында қоғамдық тәртіпті сақтауды қамтамасыз ету ұсынылсын.

7. Орындалған жұмыс туралы ақпарат облыс әкімінің аппаратына 2009 жылғы 10 шілдеге және 2010 жылғы 10 қаңтарға дейін берілсін.

8. Осы қаулының орындалуын бақылау облыс әкімінің орынбасары С. Ш. Бектұрғановқа жүктелсін.

9. Осы қаулы алғаш рет ресми жарияланған күннен кейін он күнтізбелік күн өткен соң қолданысқа енгізіледі және 2009 жылғы сәуірден бастап қолданысқа таратылады.

*Қ о с т а н а й*

*облысының әкімі*

*С. Кулагин*

Ә к і м д і к т і ñ

2 0 0 9 жы л ғы 3 с ә у і р д е г і

№ 138 қаулысымен бекітілген

**Облыстық шақыру комиссиясының құрамы**

**Негізгі құрам:**

- Шоқпаров Марат Мадиханұлы - "Қостанай облысының қорғаныс істері жөніндегі департаменті" мемлекеттік мекемесінің бастығы, төраға (келісім бойынша)
- Бисимбаев Жанабай Жолтайұлы - "Қостанай облысы әкімінің аппараты мемлекеттік мекемесі әлеуметтік-саясат бөлімінің меңгерушісі, орынбасар

**Комиссия мүшелері:**

- Брызгалова Надежда Михайловна - "Қостанай облысының қорғаныс істері жөніндегі департаменті" мемлекеттік мекемесі шақыру бөлімі бастығының аға көмекшісі, комиссия хатшысы (келісім бойынша)
- Дүскенов Нұрман Тастанұлы - "Қазақстан Республикасы Ішкі істер министрлігінің Қостанай облысының ішкі істер департаменті" мемлекеттік мекемесі бастығының орынбасары (келісім бойынша)
- Дүйсенов Сәлім Айтбайұлы - "Қостанай облысының қорғаныс істері жөніндегі департаменті" мемлекеттік мекемесі бастығының көмекшісі-дәрігер, медициналық комиссияның төрағасы (келісім бойынша)

**Резервтік құрам:**

- Травин Игорь Геннадьевич - "Қостанай облысының қорғаныс істері жөніндегі департаменті" мемлекеттік мекемесі бастығының орынбасары, пункт (жиналу) бастығы, төраға (келісім бойынша)
- Суднев Алексей Леонидович - "Қостанай облысы әкімдігінің жұмылдыру дайындығы, азаматтық қорғаныс, авариялар мен дүлей апаттардың алдын алуды және жоюды ұйымдастыру басқармасы" мемлекеттік мекемесі жұмылдыру даярлығы бөлімінің бастығы, орынбасар

**Комиссия мүшелері:**

- Бауэр Эммануил Иванович - Қостанай облысы әкімдігі денсаулық сақтау басқармасының "Қостанай облыстық ауруханасы" мемлекеттік коммуналдық қазыналық кәсіпорнының хирург-дәрігері, медициналық комиссияның төрағасы (келісім бойынша)
- Ыбрашев Мейрамбек Бақуатұлы - "Қазақстан Республикасы Ішкі істер министрлігінің Қостанай облысының ішкі істер департаменті" мемлекеттік мекемесі бастығының орынбасары (келісім бойынша)
- Маевская Татьяна Геннадьевна - Қостанай облысы әкімдігі денсаулық сақтау басқармасының "Қостанай облыстық ауруханасы" мемлекеттік коммуналдық

қазыналық кәсіпорнының медбикесі, комиссия хатшысы (келісім бойынша)

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК